

- Հուլիսին տնտեսական աճի տեմպը թուլացավ՝ հունիսի 7 տոկոսի դիմաց (տ/տ) կազմելով 6.2 տոկոս (տ/տ):
- Գնաճն օգոստոսին բարձրացավ՝ կազմելով 1.3 տոկոս (տ/տ):
- Ոսկու և ոսկերչական իրերի վերաարտահանումը հուլիսին շարունակեց արտահանման և ներմուծման աճի հիմնական շարժիչը լինել:
- Հուլիսին 69 միլիարդ ՀՀ դրամի պակասությամբ պայմանավորված՝ հունվար-հուլիս ամիսների բյուջեի աճողական հաշվեկշիռը վերածվեց 58 միլիարդ դրամ պակասության:
- Առևտրային բանկերի ավանդերն ու վարկերն հուլիսին աճեցին մոտավորապես 2 տոկոսով (ա/ա):

Տնտեսական ակտիվության ցուցանիշը հունիսի 7 տոկոսից (տ/տ՝ տվյալ ժամանակահատվածը՝ նախորդ տարվա նույն ժամանակահատվածի նկատմամբ) հուլիսին նվազեց 6.2 տոկոսի (տ/տ) (պատկեր 1): Առևտրի աճի տեմպը թուլացավ՝ հունիսի 16.2 տոկոսի (տ/տ) դիմաց՝ հուլիսին կազմելով 14 տոկոս (տ/տ): Ծառայությունների աճի տեմպը (բացի առևտրից) ևս նվազեց՝ հուլիսին կազմելով 4.9 տոկոս (տ/տ)՝ հունիսի 7.8 տոկոսի դիմաց (տ/տ): Նույն ժամանակահատվածում շինարարությունը շարունակեց աճել մոտավորապես 18 տոկոսով (տ/տ): Արդյունաբերության աճը փոքր-ինչ բարելավվեց՝ հունիսի 1.3 տոկոսից (տ/տ) հուլիսին կազմելով 2.2 տոկոս (տ/տ), հիմնականում պայմանավորված էլեկտրաէներգիայի և էներգետիկայի ավելի մեծ աճով (13 տոկոս, տ/տ): Մշակող արդյունաբերության աճի ցածր տեմպը պահպանվեց՝ 2.5 տոկոս, ընդ որում հիմնական արտադրական ենթախմբերի մեծ մասի կրճատմամբ՝ սննդամթերքը, խմիչքները և ոսկերչական ապրանքները նվազեցին համապատասխանաբար 5 տոկոսով (տ/տ), 4.4 տոկոսով (տ/տ) և 27 տոկոսով (տ/տ): Դա փոխհատուցվեց սիգարետի (21 տոկոս, տ/տ), տեքստիլի (23 տոկոս, տ/տ) և սև ու գունավոր մետաղների (74 տոկոս, տ/տ) արտադրության աճով: Հանքարդյունաբերության անկումը շարունակվեց, սակայն ավելի դանդաղ տեմպով՝ հունիսի 10.7 տոկոսի համեմատ հուլիսին կազմելով

5.4 տոկոս (տ/տ): Տնտեսական ակտիվության աճի հունվար-հուլիս ամիսների աճողական ցուցանիշը կազմել է 9.6 տոկոս (տ/տ):

Ոչ առևտրային գուտ դրամական փոխանցումները հուլիսին նվազեցին 38.1 տոկոսով (տ/տ)՝ պայմանավորված 23.1 տոկոսով պակաս ներհոսքերով: Ռուսաստանից դրամական փոխանցումների ներհոսքերը հուլիսին, նախորդ տարվա նույն ժամանակահատվածի նկատմամբ, նվազեցին 42 տոկոսով, միաժամանակ փոքր-ինչ աճելով տվյալ ամիսին՝ նախորդ ամսվա նկատմամբ: Միաժամանակ, ԱՄՆ-ից ներհոսքերն աճեցին 8.8 տոկոսով (տ/տ) (պատկեր 2): Աճեցին նաև դրամական տրանսֆերտների արտահոսքերը (մասնավորապես՝ ՄԹ և ԱՄՆ)՝ նպաստելով գուտ ներհոսքերի նվազմանը: Արտահոսքերը դեպի Ռուսաստան նվազեցին 13 տոկոսով (տ/տ):

Օգոստոսին գնաճը, երրորդ ամիսն անընդմեջ, բարձրացավ՝ հաջորդելով 2023 թ. հոկտեմբերից սկսած գնաճի նվազման ժամանակաշրջանին: Օգոստոսին գնաճը կազմեց 1.3 տոկոս (տ/տ)՝ հունվար-օգոստոս ամիսների միջին գնաճը հասցնելով -0.1 տոկոսի: Տրանսպորտի գներն օգոստոսին բարձրացան 9.1 տոկոսով (տ/տ)՝ պայմանավորված ակցիզների 9 տոկոսանոց աճով և ներմուծվող նավթի ավելի բարձր գներով: Մանրածախ առևտրի և ոչ ակտիվային խմիչքների մասով օգոստոսին արձանագրվեց 1 տոկոսի գնաճ (տ/տ): Սեպտեմբերի սկզբին ՀՀ կենտրոնական բանկը (ՀՀ ԿԲ) վերաֆինանսավորման (քաղաքականության) տոկոսադրույք իջեցրեց ևս 25 տոկոսային կետով՝ մինչև 7.5 տոկոս. սա 2024 թ. սկզբից սկսած հինգերորդ անընդմեջ իջեցումն էր (պատկեր 3):

Ոսկու և ոսկերչական արտադրանքի վերաարտահանումը հուլիսին շարունակեց արտահանման աճի հիմնական շարժիչը լինել (պատկեր 4): Ապրանքների արտահանումն ու ներմուծումը աճեց համապատասխանաբար 42.8 տոկոսով (տ/տ) և 30.7 տոկոսով (տ/տ)՝ պայմանավորված թանկարժեք և կիսաթանկարժեք քարերի և մետաղների (հիմնականում ոսկու և ոսկերչական արտադրանք) արտահանման (5.2-ապատիկ) և ներմուծման (5.9-ապատիկ) աճով: Բայցևայնպես, նախորդ ամսվա համեմատ թանկարժեք և կիսաթանկարժեք քարերի և մետաղների արտահանումը նվազեց 11.6 տոկոսով, ընդ որում ընդհանուր արտահանման կազմում դրանց մասնաբաժինը հասավ 48.5 տոկոսի՝ շատ ավելի ցածր, քան 2024 թ.-ին դրանց 75 տոկոս մասնաբաժինը: Հանքահումքային արտադրանքը, պատրաստի սնունդը և գյուղատնտեսական

արտադրանքի արտահանումն աճեցին համապատասխանաբար 15 տոկոսով (տ/տ), 11 տոկոսով (տ/տ) և 52 տոկոսով (տ/տ): Հուլիսին մեքենաների, սարքավորումների և մեխանիզմների և ավտոտրանսպորտային միջոցների արտահանումը, 2023 թ. արտահանման ամենաբարձր աճ գրանցած ապրանքախմբերը, նվազեցին համապատասխանաբար 21 տոկոսով (տ/տ) և 86 տոկոսով (տ/տ): Առանց նկատի ունենալու թանկարժեք և կիսաթանկարժեք քարերի, մեքենա-սարքավորումների (հիմնականում բջջային հեռախոսներ) և ավտոտրանսպորտային միջոցների, արտահանումը հուլիսին աճեց 6 տոկոսով (տ/տ): Հունվար-հուլիս ժամանակահատվածում արտահանումը և ներմուծումն աճեցին համապատասխանաբար 121.2 տոկոսով և 79.1 տոկոսով՝ հանգեցնելով առևտրային հաշվեկշռի պակասուրդի 14.5 տոկոսանոց ավելացման:

ՀՀ դրամը ԱՄՆ դոլարի և ռուսական ռուբլու նկատմամբ հարաբերականորեն կայուն էր հունիս-օգոստոս ժամանակահատվածում: 2023 թ. համեմատ ՀՀ դրամ – ԱՄՆ դոլար փոխարժեքը սոսկ 0.5 տոկոսով էր ավելի թույլ օգոստոսի վերջին (տ/տ), իսկ ՀՀ դրամ-ռուսական ռուբլի փոխարժեքը արժեզրկվեց 6.2 տոկոսով, (տ/տ) (պատկեր 5): 2024 թ. 2-րդ եռամսյակում ՀՀ ԿԲ-ն 256.5 միլիոն ԱՄՆ դոլար գնեց՝ փոխարժեքի տատանումները հարթելու համար: Միջազգային պահուստների կուտակումը շարունակվեց, որոնք հուլիս-օգոստոս ամիսներին աճելով 260 միլիոն ԱՄՆ դոլարով, կազմեցին 3.6 միլիարդ ԱՄՆ դոլար (համարժեք է 3 ամսվա ներմուծման ծածկույթի), սակայն դեռևս 13 տոկոսով ցածր են պահուստների՝ 2023 թ. հուլիսի վերջի մակարդակից:


Հուլիսին գրանցվեց բյուջեի 69 միլիարդ ՀՀ դրամի պակասուրդ (տ/տ): Ասվածը հիմնականում

պայմանավորված էր ծախսերի աճով: Ընդհանուր ծախսերն ընդլայնվեցին 24.4 տոկոսով (տ/տ)՝ հիմնականում պայմանավորված 19.6 տոկոսով (տ/տ) ընթացիկ ծախսերի աճով: Կապիտալ ծախսերը ևս ընդլայնվեցին 43.6 տոկոսով (տ/տ)՝ պայմանավորված պաշտպանության և ճանապարհային ցանցի բարելավումներով: Հատկանշական է, որ անվանական արտահայտությամբ հուլիսին հարկային եկամուտներն աճեցին 14.6 տոկոսով (տ/տ), սակայն դրանից հանելով եկամտային հարկի՝ հիփոթեքի հետ կապված վերադարձը (նախորդ տարիների մոտեցման նման), հարկային ընդհանուր եկամուտներն ավելացել են սոսկ 2.3 տոկոսով (տ/տ): Հարկերի ավելացմանը նպաստող հիմնական հարկատեսակների՝ շրջանառության և ակցիզային հարկերի հավաքագրումն ընդլայնվեց համապատասխանաբար 15.6 տոկոսով (տ/տ) և 12.4 տոկոսով (տ/տ): Ի տարբերություն դրա՝ ԱԱՀ-ի հավաքագրումներն անփոփոխ են մնացել: Աճողական ցուցանիշով՝ հունվար-հուլիս ամիսների բյուջեի հաշվեկշիռը 58 միլիոն ՀՀ դրամի պակասուրդ է ցույց տվել (կանխատեսվող տարեկան ՀՆԱ-ի 0.6 տոկոսն է)՝ համեմատած 2023 թ. նույն ժամանակահատվածում գրանցված 96.4 միլիարդ ՀՀ դրամի հավելուրդի հետ (պատկեր 6):

Առևտրային բանկերի ավանդները և վարկերը հուլիսին ընդլայնվեցին 1.6 տոկոսով (ա/ա) և 2 տոկոսով (ա/ա)՝ հիմնականում պայմանավորված ՀՀ դրամով արտահայտված միջոցներով: Ֆինանսական առողջ ցուցանիշները պահպանվել են՝ 20.3 տոկոս կազմող կապիտալի համարժեքության գործակցով, չաշխատող վարկերի ցածր հարաբերակցությամբ (1.2 տոկոս) և ըստ ակտիվների շահութաբերության հայտարարվող 4.5 տոկոսով:


Պատկեր 1. Հուլիսին տնտեսական աճի տեմպը թուլացավ մինչև 6.2 տոկոս՝ պայմանավորված առևտրի և ծառայությունների աճի տեմպի դանդաղմամբ

(Հայաստանի տնտեսական ակտիվության ցուցանիշ, տ/տ (հազար ԱՄՆ դոլար) փոփոխություն, %)



Աղբյուրը՝ Հայաստանի Հանրապետության վիճակագրական կոմիտե


Պատկեր 2. Ռուսաստանից դրամական փոխանցումները հուլիսին աճեցին՝ միաժամանակ 2021 թ. մակարդակից ցածր պահպանվելով



Աղբյուրը՝ ՀՀ ԿԲ

Պատկեր 3. Գները երրորդ ամիսն անընդմեջ աճեցին, թեև զգալի ցածր են գնաճի թիրախից


(ՄԳԻ գնաճ, տ/տ փոփոխություն, %)



Աղբյուրը՝ ՀՀ ԿԲ

Պատկեր 4. Ոսկու և ոսկերչական իրերի վերաարտահանումը շարունակել է հուլիսին արտահանման աճի հիմնական շարժիչ գործոնը լինել


(միլիարդ ԱՄՆ դոլար)



Աղբյուրը՝ Հայաստանի Հանրապետության վիճակագրական կոմիտե

Պատկեր 5. Առևտրային բանկերի ավանդներն ու վարկերը շարունակեցին ընդլայնվել


(տոկոս, տ/տ, փոխարժեքի ճշտմամբ)



Աղբյուրը՝ ՀՀ ԿԲ

Պատկեր 6. Մինչև հուլիսը ներառյալ բյուջեն չափավոր պակասուրդ է գրանցել

(միլիարդ ՀՀ դրամ)



Աղբյուրը՝ Ֆինանսների նախարարություն